

dagi più oblation a li auditori e consegij in cause civil, come si fa *etc.*, *ut in ea*, ma si dagi al zudexe primario. Contradixie sier Giacomo Trivixan, *quondam* sier Silvestro, è di la zonta; rispose sier Antonio Trun, consier; et cussi sier Bortolo Minio, sier Antonio Trun, consieri, et sier Filippo Sagredo, cai di 40, messeno la parte; li altri consieri e cai messeno de indusiar. Ave 96, et la parte 60; fu preso l'indusiar.

170* *Di Candia, vidì una letera, di 29 mazo, di sier Bneto Samudo, capetanio e vice ducha olim.* Dil zonzer li di sier Hironimo Donado, dotor, ducha. *Item*, atende a far le mure a la marina; et à spazà do galie che l'arma, justa i mandati dil provedador di l'armada, et il resto, fin numero 4, anderà armando; et il ducha di Nichia à spazà e armà la sua galia. *Item*, di Turchia è nova di la pocha obedientia à il signor; e tutti desidera la sua morte. *Item*, turchi fano uno muro al muolo di Modon; et a Sapia à fato far calchare di chalzina. *Item*, come a di 27 april l'ambassador dil soldan, vien a la Signoria, era zonto a Saline, con la galia, per avanti, la qual si conzava; e lui voleva venir con una nave era a Baffo, la qual non l'è voluto levar, si dice verà con la galia in Candia.

A di 5 ditto. Fo gran consejo. Fato podestà a Verona sier Alvise Malipiero, fo consier, *quondam* sier Jacomo; al sal sier Vito Caotorta, fo consier.

Fo publicà la condanasom, fata eri in do quarantie, per el piedar di sier Antonio Condolmer, *olim* sinico, contra sier Alexandro Simitecolo, era capetanio dil devedo di Retimo, *videlicet* che 'l ditto sia' privo im perpetuo di la capitaria (*sic*) dita, e per anni 3 di la città di Retimo e distreto, con taia lire 500, *totiens quotiens*. *Item*, restituir quel, per il retor di Retimo, sarà cognosuto aver tolto indebitamente; e le apelation vadi al rezimento di Candia. *Item*, restituisa quello, per el synico sarà sententiato, l'apelation dil qual vadi a l'avogaria, et se in termine di mexi tre non arano intromessa, habi execution, et la dita condanason sia publichà in gram consejo et in la città di Retimo.

A di 6. Gionse in questa terra, venuto con nave di Soria, sier Bortolo Contarini, *quondam* sier Pollo, vien consolo di Damasco, nel qual ben si portoe, et merita laude e comendation.

Da poi disnar fo pregadi, per sier Bernardin Loredan, *olim* synico in Cypro, per expedir sier Zuan Francesco Malipiero, di sier Troylo, per lui intromesso; e li fece 3 oposition, *videlicet* haver sforzà una dona et altre simile, *ut in processu*. Parlò ozi el dito synico et non compite; remesso a diman.

Noto, eri matina fo in colegio sier Nicolò Pixani, venuto baylo di Corfù, et referi.

Ancora è da saper, come eri fo in colegio el signor Nicolò da Corezo, venuto qui con letere di credenza dil duca di Ferara, per aver inteso, li do sopracomiti l'è levò esso ducha esser stà mandati per lui; et scusò il duca, dicendo l'havea fato a baldeza, per le letere che l'havea. Et il doxe li rispose un pocho garbo; lui si acorse, e disse non era venuto per scusar li do soracomiti, ma ben il suo signor. El principe disse: La terra è ordinada, e li avogadori 171 faria il suo officio. Et cussi il zorno sequente si parti e a Ferara tornoe.

Noto, come a di 3 luo, in le do quarantie, per il caso dil Simitecolo, andò: di procieder 6, di no 9, et non sincier 51; *iterum*: 7 di sì, 11 di no, 48 non sincier; poi, il sabado, a di 4: 26 di sì, 25 di no, 15 non sincier; *iterum*: 36 di sì, 25 di no, et non sincier; e fu preso di procieder. Andò 3 parte: sier Marco Bolani, sier Piero Morexini, consieri, una, et il synico una, la qual ave 2 balote, et sier Marco da Pexaro, cao di 40, e li vice cai, messa questa. Andò le do parte: di consieri 28, dil cao 38; et quella fu presa.

A di 7 ditto. La matina, sier Bortolo Contarini, vien consolo di Damasco, fo a la Signoria et referi assa' cosse.

Post rogatis, per il synico Loredan, qual compì; li rispose Rigo Antonio. Et mandò la parte dil synico, di procieder contra dito sier Zuan Francesco Malipiero, di sier Troylo. Ave 15 non sincier, 23 di la parte, 78 di no; et fu preso di no.

Fu posto, per li consieri, *praepter solitum*, finir sier Zacaria Loredan, capitanio di le galie di Aqua Morte, in galia, e poi parti *etc.*, *ut in parte*. Fu presa, e dite galie fo expedite.

A di 8. Fo consejo di X. Et fu dato licentia di andar el principe nostro, per do zorni, fino a Strà, a la caja à fato sier Hironimo, suo fiol, perhò che il doxe non se pol partir senza parte presa nel consejo di X.

Item, atento li castelani electi a Brisigele refudavano, fu electo, per tre mexi, sier Etor Loredan, fo al dazio dil vin, *quondam* sier Nicolò; et cussi accettò et subito si parti. Dove è sier Marin Falier, camerlengo a Faenza, qual ritorna a Faenza.

A di 9. La matina il principe si parti per andar a Strà.

A di 10. Fo consejo di X. Fo partito il salario di Lunardo Bianco, di ducati 200, morto a Milan, *videlicet* a uno fio di Alvixe Sagudino; morto se-